

Powšitkowne WOZJEWJENJA

swjatkowničku, 24. meje 2026

Nabožne wusyłanja w serbskim rozhłosu

Ewangelske nabožne wusyłanje w Serbskim rozhłosu MDR ma tutu njedzelu, 24. meje, serbska fararka Jadwiga Malinkowa ze Slepoho. Putniske kemše swjatkownu pónđzeli, 25. meje, w 9.00 hodž. Serbski rozhłós z Róžanta tohorunja přenjese. Wotkaz na nabožne wusyłanje w mediatece MDR je pod www.posol.de podaty.

Putnikowanje do Krupki

Lětuše putnikowanje młodžiny do Krupki je wot njedzele do pjatka, 26. do 31. julija. Putniske kemše w Krupce budu srjedu, 29. julija, w 10.00 hodž. Štóz chcył kemši z busom sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

Pytaja serbskich spěwarjow

Za lětušu chórowu akademiju Budyskeho Rotaryjoweho kluba pytaja serbskorěčnych spěwarjow. Třećina spěwow koncertneho programa wobsteji ze cyklusa „Počasy“ Korle Awgusta Kocora a Handrija Zejlerja. Cil chóroweje akademije pod nawodom Friedemanna Böhme je beneficny koncert njedzelu, 11. oktobra, w Budyskej Michalskej cyrkwi. Wunoški wěnuja so na dobro swětowego programa Rotaryjoweho kluba k wutupjenju spinalneje mortwicy (Kinderlähmung) pod hesłom „END POLIO NOW“. W přihoće móža sej zajimcy swój hłós z Wandu Wokowej wosobinsce kublać. Proby wotměja so stajnje srjedu w 19.00 hodž. w Budyskim Schillerowym gymnaziju, započejo 3. junija. Wšitke dalše terminy su pod www.posol.de podate. Zajimcy měli so hač do kónca meje z mejlku na chorakademiebautzen@gmail.com přizjewić.

Nalětni koncert chóra Lipa

Chór Lipa přeprašuje zhromadnje z Křescansko-socialnym kubłanskim skutkom Sakskeje wšitkich zajimcow na nalětni koncert, kotryž wuhotuje njedzelu, 31. meje, w 15.30 hodž. na zahrodze Zežiwjenskeho a zelowego centruma w klóštrje Marijinej hwězdze w Pančicach-Kukowje. Program wuhotuja Lipjenjo zhromadnje z Błótowskim žónskim chórom z Lubina w błótowskej serbskej drasće kaž tež Lipjanskej džěčinu Lipki. Wot 15.00 hodž. poskića tam swačinu.

Džěci z hajnikom do Božeje stwórby

Sekcija swójby Towarstwa Cyrila a Metoda z.t. (TCM) přeprašuje džěci 4. a 5. lětnika, so sobotu, 13. junija, zhromadnje z klóšterskim hajnikom Guidom Budarjom z Božej stwórby bliže zeznajomić. Wone zetkaja so w 10.00 hodž. w Smječkecach při hajnkowni, Winicowa 13 (Weinbergstraße), hdžež so zarjadowanje w 14.00 hodž. tež skónči. Wottam podadža so pěši na puć po lěsu, zo bychu Božu stwórbu widželi, słyšeli a čuli. Za to trjebaja krute črije a wotpowědnu drastu. Pućowanje wotměje so tež při špatnym wjedrje. Mjez druhim móža wobdžělnicy štomiki a druge rostliny sadžeć. Přinošk wučinja tři eura na džěco. Wobdžělic móže so jeničce 20 džěci. Wotkaz za přizjewjenje je pod www.posol.de podaty.

Na konferencu AUGEN:BLICK do Lubija

Worklečanske dekanatne dušepastyrstwo za młodzinu přeprašuje serbskich młodostnych, sej na přednošk znateho filozofa a teologi dr. Johannes Hartla do Lubija. Tam wotměje so wot pjatka do njedźele, 29. do 31. meje, wjacednjowska konferenca wšelakich křesćanskich wosadow a skutkow Hornjeje Łužicy AUGEN:BLICK. Přednošk budže sobotu, 30. meje, w 19.30 hodź. Po tym poskića tak mjenowanu lounge z přikuskom, dušepastyrstwom kaž tež poskitkami k modlenju. Wotjězd z awtami je w 17.00 hodź., mjez druhim z Chrósćic, planowany. Wróco pojedu młodostni něhdže w 22.30 hodź. Zastup je darmotny. Přizjewjenja su online hač do wutory, 26. meje, móžne. Link je pod www.posol.de podaty.

Zjězd biskopstwoweje młodžiny w Pančicach-Kukowje

Młodostni z cyłeho Drježdžansko-Mišnjanskeho biskopstwa – tež serbscy – su přeprašeni, pěši abo z kolesom zhromadnje do klóštra Marijineje hwězdy w Pančicach-Kukowje putnikować. Tam wotměje so sobotu a njedźelu, 13. a 14. junija, zjězd biskopstwoweje młodžiny. Wobsteji móžnosć so 20 respektiwnje 50 kilometrow z kołom abo 7 respektiwnje 12 kilometrow pěši na puć podać. Po puću su přestawki a impulsy planowane. Sobotu budže w klóštrje pisany program ze wšelakimi džěłarničkami, modlenjom a spěwanjom. Nazajtra, njedźelu, budže zhromadna Boža mša z diecezanskim młodžinskim dušepastyrjom Michaelom H. Kreherom. Link k dalšim informacijam a k přizjewjenju je online pod www.posol.de wozjewjeny.

Prózdnińska jězba za 4. do 8. lětnik

Dekanatne dušepastyrstwo za džěci a młodzinu we Worklecach přeprašuje šulerki a šulerjow nětčišeho 4. do 8. lětnika w lětnich prózdninach na jězbu do Zhorjelca. Wona wotměje so wot pónđzele do pjatka, 3. do 7. awgusta. Swójski přinošk na wobdźělnika wučinja 130 eurow. Přizjewjenja přijimuju hač do njedźele, 31. meje, online. Link na wotpowědnu stronu je pod www.posol.de wozjewjeny.

Ministrantska kopańca

Koparski turněr ministrantow ze serbskich wosadow sobotu, 27. junija, w Pěskecach. Započatk budže w 9.00 hodź. z Božej mšu we wjesnej kapałce.

Pasionske hry w Awstriskej

Radworske Šmitec-Schwarzec wozydłownistwo přeprašuje na putniku jězbu k pasionskim hram do awstriskeho St. Margarethena, kotraž so wot pjatka do wutory, 26. do 30. junija, wotměje. Předstajenje budže tam pod hołym njebjom před kulisu skały. Nimo toho poskićuju kołojezby. Zajimcy móža so pola Šmitec-Schwarzec wozydłownistwa w Radworju přizjewić, telefonowe čisło (03 59 35) 28 60. Městna su hišće swobodne.

Na musical „Jesus Christ Superstar

Dalša jězba Radworskeho Šmitec-Schwarzec wozydłownistwa pod heslom „Wěra zetka hudźbu“ budže wot pónđzele do štwórtka, 10. do 13. awgusta, do Erfurta. Wobdźělnicy wopytaja mjez druhim klóšter awgustinow a tamniši měšniški seminar. Dale wobdźěla so na Erfurtskich domowych swjedźenskich hrach, hdžež předstaja musical „Jesus Christ Superstar“. Přizjewjenja přijimuje Šmitec-Schwarzec wozydłownistwo w Radworju, telefonowe čisło (03 59 35) 28 60.